


**TEZAUUR LITURGIC**

**18 IUNIE**

**ACATISTUL  
SF. CUVIOASE  
MACARIA  
ARTEMIEVOI  
DE LA  
SMOLENSK**



**MOSCOVA, 2000**



## Кондак 1

**И** збранная от рода Российского нести  
страдания и болезни всех к тебе  
притекающих, венцем славы от Господа  
увенчанная и, яко имущая дерзновение пред  
Богом, испрашивати у Него исцеления  
недужным и утешения скорбящим, восхваляем  
подвиги и страдания твоя и с любовью поем ти:

Радуйся, блаженная старице, мати Макарие,  
молящаяся Христу Богу о спасении душ наших.

## Икос 1

**Б**огом данная на страдание для искупления  
грехов наших, умудренная и благословенная  
на подвиг Богородицею, образ смирения и  
терпения явила еси, ревность по Бозе и силу  
молитв стяжавшая, от всех болезней  
страждущих исцеляющая. Мы же, воспевая  
страдания твоя, зовем ти:

Радуйся, от младенческих лет Христа  
возлюбившая;

Радуйся, Богом Данная нареченная;

Радуйся, на подвиг терпения страданий  
призванная;

Радуйся, с верой и трудолюбием понесшая крест  
твой;

Радуйся, с младенческих лет чудесами  
Христовыми укрепляемая;  
Радуйся, молитвеннице и страданице наша пред  
Богом;  
Радуйся, блаженная старице, мати Макарие,  
молящаяся Христу Богу о спасении душ наших.

### **Кондак 2**

идя Господь смирение благаго твоего сердца в  
**В**подвиге смирения и терпения страданий, из  
младенческих лет дарова тебе Небеснаго  
покровителя. Молитвами твоими наши сердца  
верою и любовью к Богу воспламени, творяще  
Ему ангельскую песнь: Аллилуия.

### **Икос 2**

азумом свыше просвещаемая, блаженная мати  
Макарие, с младенчества сподобилася эси  
**Р**явления преподобнаго Тихона Калужского,  
избранного Господом твоим Небесным  
покровителем, укрепляющим тя своими святыми  
молитвами. Мы же с любовью взываем ти сице:  
Радуйся, благодатию Божиею измлада  
наделенная;  
Радуйся, богодухновенным словам Святого  
Евангелия внимавшая;  
Радуйся, явления святого преподобнаго Тихона  
Калужского сподобившаяся;

Радуйся, молитвенному подвигу им научаемая;  
Радуйся, из детства всеми обижаемая;  
Радуйся, Царицею Небесною укрепляемая;  
Радуйся, блаженная старице, мати Макарие,  
молящаяся Христу Богу о спасении душ наших.

### **Кондак 3**

илою божественною укрепляемая, духом Его  
Святым питаемая, яко древле Царица  
Небесная удостоилася пребывания в олтаре у  
Престола Божия, тако и ты, блаженная старице,  
еще в раннем отрочестве лишенная  
возможности ходити, терпя за сие обиду и  
поругание, была допущена Господом на  
пребывание в олтаре храма. Мы же, чудящиеся  
таковому Божественному произволению, поем  
Ему: Аллилуия.

### **Икос 3**

муще от Бога дар прозорливости и  
И молитвенности, даром сим Божественным  
страдания других утоляющая, терпела за сие  
обиды и поругания, от Бога же любовь и  
укрепление. Мы же, вернии, таковому к тебе  
Божию произволению дивящиеся, с любовию  
глаголем:

Радуйся, пророческим даром от Бога  
наделенная;

Радуйся, в олтаре храма у Престола быть  
удостоенная;  
Радуйся, Духом Его Святым питаемая;  
Радуйся, Словом Его поучаемая;  
Радуйся, невестою Христовою нареченная;  
Радуйся, на служение людям сотворенная;  
Радуйся, блаженная старице, мати Макарие,  
молящаяся Христу Богу о спасении душ наших.

#### **Кондак 4**

уря радости и недоумения обыде мя: како  
**В**озмогу пети житие блаженныя праведницы,  
Материю Божию измлада матушкой  
называемой, Небесной Стражей охраняемой,  
духом же Святым Престола Божиего  
сподобляемой, святым Симеоном Богоприимцем  
от язв исцеляемой. Дивящиеся таковому Божию  
к тебе произволению, поем Ему: Аллилуия.

#### **Икос 4**

лышавше от Господа о твоих, мати Макарие,  
**С**особых небесных дарованиях, и о твоём  
избранничестве, отец Иоанн, осеняемый  
произволением Божиим, внесе тя во олтарь, на  
удивление в храме находящихся. Мы же  
терпению и смирению твоему покланяемся. Сего  
ради, прими от нас, недостойных, похвалы сия:  
Радуйся, в церкви иереем Божиим встречаемая;

Радуйся, им во олтарь вносимая;  
Радуйся, Материю Божию молитвам обучаемая;  
Радуйся. Богородицею матушкой измлада  
нереченная;  
Радуйся, Небесной Стражей охраняемая;  
Радуйся, угодником Божиим Симеоном  
Богоприимцем исцеляемая;  
Радуйся, блаженная старице, мати Макарие,  
молящаяся Христу Богу о спасении душ наших.

### **Кондак 5**

лагодать Божия просия на тебе, блаженная  
**В**мати Макарие, когда восьми лет сущи, ты  
уснула еси на четырнадцать дни, и в сем сне  
Божественном сподобилася видения Ангела  
Хранителя и райских обителей. Мы же,  
радуящиеся таковому Божию о тебе  
произволению, благодарственно зовем Богу:  
Аллилуия.

### **Икос 5**

идевши обилие чудес, на тя от Господа и  
**В**Царицы Небесныя истекающая, послужила еси  
Ему постом и молитвою, и к страждущим  
явила еси велию любовь и милосердие. Мы же,  
почитающе подвиги и страдания твоя во  
младости волю Христа ради подъятые, умиленно  
вопием ти:

Радуйся, лицезрения Райских обителей Богом  
удостоенная;  
Радуйся, Ангелом Хранителем по тем светлым  
обителем пронесенная;  
Радуйся, Чертог самого Христа узревшая;  
Радуйся, видения Архангелов Божиих  
сподобившаяся;  
Радуйся, Материю Божию мученицей  
нареченная;  
Радуйся, от Бога наслаждения миром  
невидимым одаренная;  
Радуйся, блаженная старице, мати Макарие,  
молящаяся Христу Богу о спасени душ наших.

### **Кондак 6**

В ерою одержими помышлений нечестивых,  
ближнии твои оставиша тебе, о блаженная  
мати Макарие, умирать едину. Жители же  
места того, уповая на Волю Божию, приведоша  
тебе малыя чада своя. Ты же, благодатию  
Божией осеняемая, упасла еси всех, их же даде  
тебе Господь на сохранение. Таяжде сила Божия  
осени тя ко благочестию и научи тя славити  
Единого Бога, и воспевати Ему: Аллилуия.

## Икос 6

Имея неоскудное милосердие ко всякому человеку, наипаче же к болящим и сирым, блаженная мати Макарие, отроковицею сущи, явилася еси добрая мать чадам Божиим, оставленным на твое попечение; помози и нам, блаженная, прейти сие земное поприще во благом делании, да величая поем ти:

Радуйся, блаженная мати Макарие, мученице Христова;

Радуйся, обращение людей в веру Православную совершавшая;

Радуйся, жестокосердными покинутая;

Радуйся, Царицею Небесною не оставленная;

Радуйся, всех чад Божиих тебе врученных сохранившая;

Радуйся, страданиями своими духовно возросшая;

Радуйся, блаженная старице, мати Макарие, молящаяся Христу Богу о спасении душ наших.

## Кондак 7

Богосветлою звездою явилася еси, блаженная мати Макарие, когда в Боготканную одежду послушницы Христовы со именем Тихона облеклася еси, духовно укрепльшися, прилепилася еси всем сердцем твоим к единому Богу. Тем же и мы, вернии, поем Ему: Аллилуия.

## Икос 7

Новое чудо показа Господь, когда облече ты, блаженная мати Макарие, во одежду невесты Христовы, и дарова ти благодать и силу болезни врачевати, духов злобы изгоняти, немощствующих укрепляти, подвизая к постническому и подвижническому подвигу Его ради. Тем же и нас, грешных, твоею молитвою исцели, да благодарственно воспоем ти:

Радуйся, праведница от Бога нам низпосланная;  
Радуйся, в Боготканную одежду облеченная;  
Радуйся, всем сердцем к Богу прилепившаяся;  
Радуйся, от страстей земных благодатию Божией освободившаяся;  
Радуйся, Словам Божиим Царицею Небесною поучаемая;  
Радуйся, Материю Божиею охраняемая;  
Радуйся, блаженная старице, мати Макарие, молящаяся Христу Богу о спасении душ наших.

## Кондак 8

Молящая от мира сего отрещися, хсмиренномудрием и состраданием побуждаемая, возсияла еси яко новое светило в земли Российстей, когда прияла, о блаженная мати Макарие, великий Ангельский чин – схиму, неся скорбящим утешение; болящим исцеление; немощствующим от духов злобы избавление. Мы

же, стремящиеся к тебе, яко источнику чудес с благодарностию возопием Богу: Аллилуия.

### **Икос 8**

**В**озсия в тебе обильно благодать Божия, о блаженная мати Макарие, когда ты чин Ангельский восприяла, избрана бысть бо Царицею Небесною на подвиг страдания. Мы же, дивясь смирению твоему, взываем ти сице:  
Радуйся, путь великого Ангельского чина избравшая;  
Радуйся, обетом страдания высоту духа твоего показавшая;  
Радуйся, строгия молитвенныя правила и затворничество восприемшая;  
Радуйся, страдания Христовы возлюбившая;  
Радуйся, скорбь и боль России вместившая;  
Радуйся, смирением несмиранных просветившая;  
Радуйся, блаженная старице, мати Макарие, молящаяся Христу Богу о спасении душ наших.

### **Кондак 9**

**Я**коже свеща среди мрака безбожного, возжжена была еси Господом, блаженная старице Макарие, поставленная на служение Богу и людям, любовь ко Господу и милосердие ко братьям и сестрам нашим во страданиях и

болезнях возгреваючи. Да и мы твоим наказам внимающе, воспоем Богу: Аллилуия.

### Икос 9

озсияла еси паче солнца добродетельми твоими  
**В** в земли Российстей, и была истинная матушка  
возлюбленным чадом, милосердная и  
досточудная угоднице Божия, блаженная мати  
Макарие. Сердца же скорбящих и в нуждах  
приходящих к тебе, чрез соприкосновение со  
благодатию, приводила еси к Богу. Приими и  
нас, добрая мати, с любовью к тебе  
прибегающих и вопиющих сие:

Радуйся, яко скорбящим и в бедах сущим мати и  
питательнице;

Радуйся, обидимых защитительнице;

Радуйся, душеполезными советы нам  
помогающая;

Радуйся, праведнице, от Бога нам  
низпосланная;

Радуйся, целительнице, недуги наша  
исцеляющая;

Радуйся, Божия благодати цельбоносный  
источниче;

Радуйся, блаженная старице, мати Макарие,  
молящаяся Христу Богу о спасении душ наших.

## Кондак 10

роповеднице Богоносная, блаженная мати Макарие, непрестанно борясь с силами тьмы, увещевала и утешала страждущих, болящих и скорбящих. Мы же укрепляемому тебе Богу воспоим: Аллилуия.

## Икос 10

озсия в тебе, блаженная старице Макарие, вобильно Божественный дар прозорливости, когда избра ты Господь на подвиг служения Ему, яко Своему пророку открывая тебе прошлое и будущее в назидание, увещавание и утешение страждущих. Таковому Божию о тебе промышлению радуящися, зовем ти:

Радуйся, дар прозорливости Божественныя стяжавшая;

Радуйся, скорби людския собравшая;

Радуйся, свеча неугасимая в молитвах к Богу горящая;

Радуйся, страдания людския зрящая;

Радуйся, дерзновение пред Богом за страждущих явившая;

Радуйся, болезни и скорби в себе вместившая;

Радуйся, блаженная старице, мати Макарие, молящаяся Христу Богу о спасении душ наших.

## Кондак 11

се воинство Ангельское возрадовашесе, видя  
**В**тя, блаженная старице Макарие, бессонныя  
ночи проводившую в непрестанных горячих  
молитвах к Богу, ими побеждающая  
миродержателя тьмы и прелести века сего.  
Темже воспоим к Богу: Аллилуия.

## Икос 11

ития многовещанная, о, блаженная мати  
**В**Макарие, не возмогут по достоянию  
восхвалити страдания твоя, за скорбящая и  
болящая претерпеваемая; праведности твоя, и  
святости твоего подвига. Мы же, таковым  
дивящесе, в немощи нашей малыя сия хваления  
приносим ти:

Радуйся, Богу житием твоим угодившая;

Радуйся, простой люд возлюбившая;

Радуйся, за люди душу свою положившая;

Радуйся, заповедь Божию о любви сохранившая;

Радуйся, венец славы от Бога приявшая;

Радуйся, в житии своем ближняго  
самоотверженно возлюбившая;

Радуйся, блаженная старице, мати Макарие,  
молящаяся Христу Богу о спасении душ наших.

## Кондак 12

благодать Божию источаеши, блаженная  
**Б**старице Макарие, на всех чтущих твою память  
и прибегающих к заступлению и помощи  
твоей. Не лиши и нас, еще странствующих на  
земли, твоя помощи и заступления; источи от  
Бога благодать исцеления да поем Ему:  
Аллилуия.

## Икос 12

оюще многия твоя чудеса, блаженная мати  
**П**Макарие, ублажаем твою праведную  
кончину, почитаем духовную память твою  
яко многоценныя молитвенницы за люди  
российския. Восхваляем тя, блаженная мати и  
всеусердно молим: помози нам, о, мати  
Макарие, своими святыми молитвами, да  
укрепит Господь волю нашу, дабы жити нам по  
заповедем Его и пребывати верными чадами в  
Церкви Православней. В Нем же, тобою  
утверждаемии зовем ти:

Радуйся, праведности нас научающая;

Радуйся, скорби и немощи наша врачующая;

Радуйся, духовно укрепляющая;

Радуйся, веру Православную утверждающая;

Радуйся, Божия избраннице Отчества  
Российскаго;

Радуйся, блаженная старице, мати Макарие, молящаяся Христу Богу о спасении душ наших.

### **Кондак 13**

блаженная мати Макарие, радости наша, услыши ныне воспеваемое тебе хвалебное пение и моление, и твоими предстательством ко Господу вознеси ныне свою дерзновенную молитву о нас, многогрешных, испроси у Спасителя нашего, Господа и Бога Иисуса Христа дух правыя веры и благочестия, дабы утвердил Он нас в добродетели и милосердии, в терпении и смирении, да сподобимся в обители Его райския внити и славити Пресвятую Троицу святым пением Ему: Аллилуия.

[Сей кондак читается трижды, и паки]

